

欽定日下舊聞考卷四十五



城市 內城東城一

**原**明時坊西四牌十六鋪東四牌二十六鋪有羽林右

衛武功左衛武功右衛武功中衛 五城坊巷 衛衛集

臣等謹按五城坊巷衛衛集羽林右衛在保大坊

武功左衛武功中衛在小時雍坊武功右衛在思

城坊朱葵尊原書俱作在明時坊誤然其地今無

可考矣

**原**南之左曰文明 輟耕錄 原在 官室門今移改

欽定日下舊聞考 卷十五

**增**文明門即哈達門哈達大王府在門內因名之 析津志

臣等謹按明史地理志文明門正統間改為崇文

門

本朝仍其名

**原**薛瑄夏日出文明門詩 文明門外柳陰陰百疇黃 鷗送好音行過御溝回望處鳳凰樓閣五雲深 敬軒

**原**蔡汝楠夏日登崇文城樓詩 王京城闕鬱崔巍炎

夏追攀逸興催亭午薰風吹解帶半空爽氣接行杯桑

乾水映翠恩出礪石雲移脚脫開自是憑高多古意從

來賦客慣登臺 自知堂集

**原**吳匏庵園居有海月菴玉延亭春草池醉眠橋冷澹



泉養鶴闌今訪其遺跡已不可得

析津日記

原海月菴在皇牆之西吳文定寬之居

春明夢餘錄

原吳寬海月菴冬日賞菊圖序畧

弘治二年十月二

十八日翰林諸公會子園居賞菊既各有詩宜有圖置

其首乃請鄉人杜謙寫之大率寫其意不求甚似至于

衣冠古雅亦不必似今人而况草木之產乎同集者謝

鳴治李賓之陳玉汝林亨大李世賢陸廉伯王濟之兒

黃捧卷而進亦與焉

匏翁家藏集

以上三條原在

中城今移改

增陳瑀詩 旋看埽地畫亭形匠石掄材構欲成喜挈

樽疊賢宅相賀隨燕雀老門生一庭滿覆槐陰綠四座

平分海月明高扁玉延題詠動愧將糠粃先耆英

延亭圖

增吳寬玉延亭成次韻玉汝 偶栽山藥得佳名墻下

幽亭一日成車馬勒回無俗士壺觴傾倒盡平生升階

脫屣長頭近倚檻觀書老眼明此後來遊誰復障繞籬

欽定日下舊聞考

卷十五

二

須為惜殘英

同上

增王鏊喜玉延亭新成小詩落之 海月西來合有亭

亭中讀易定康成一時地勢皆增勝再到風光已隔生

書帶草青新雨歇臨池水黑斷虹明玉延為客翁為主

應笑靈均嗅落英

同上

增李世賢和詩并序 玉延亭成承玉汝以原倡見示

久失奉賀是用補作一首以附詩壇 屋角高槐偃蓋

形槐陰又見一亭成林疎不礙溪雲度天澗先看海月

生修竹幾竿臨水活幽花數朶隔離明也知獨樂非君

意鎮日相過總俊英

同上

增李東陽詩 玉延亭上三年約金谷園中四韻成前

度看花非老眼後堂開燕祗諸生時時杖履穿林影面

面軒窗坐月明擬斷芳葦就靈藥夜泉和露煮瓊英

同上

增陸容和詩 此地原無澗壑形藥闌花圃比來成經

營自己無餘願服食應非羨久生抱甕不辭三徑遠把

書隨意四簞明也知人好居還

好文酒時時走俊英

同上



等謹按玉延亭海月菴析津日記云訪其遺跡已不可得而春明夢餘錄以爲在皇城之西故朱彝尊原書列之中城西偏其實亦傳聞之詞耳今考河南彭氏所藏張見陽補畫玉延亭圖有趙寬賦序云春坊先生所居崇文街第有園一區名亦樂中有亭曰玉延賦首又云並東郭之青陽則斯亭應在東城又考毛澄重建玉延亭記云園中別有菴曰海月玉延爲菴之輔則海月菴與玉延亭毗連亦無疑故移於東城特其舊址今亦無可考

欽定四庫全書

卷四十五

三

耳圖中和詩甚多今第取吳寬原序所有諸人之詩增載

**增**賢良寺舊在東安門外帥府衙雍正十二年建本怡賢親王故邸捨地爲寺

世宗憲皇帝賜名賢良寺

御撰碑文以記乾隆九年

皇上御書心經塔碑勒石於寺二十年移建於冰蓋衙

衙

大清  
一統志

**增**



世宗皇帝御製賢良寺碑文 賢良寺者朕弟和碩怡  
賢親王故邸第也朕臨御之初晉王藩爵膺總理之寄  
竭忠誠之悃帷幄訂謨邊防大計以及方田水利理財  
用人皆能區畫精詳贊襄治化朕用賴焉八年以來有  
如一日功在社稷澤在生民實

聖祖篤孝之子朕之愛弟而純臣也是由

國家昌運

祖宗景福篤生我王昇子一人顯一代之偉人爲本朝  
之良弼稽諸史策概不多見焉生平鉅細皆由至性雖

欽定四庫全書

卷十五

四

聲容言動皆能純摯感人使接者莫不愛敬且淡漠於  
富貴希濶於聲色崇儉約已樂善博施常留意空宗超  
有妙悟豈佛氏所謂菩薩再來者歟王遺言以邸第作  
佛宮今旣沒因成其願勅寺額曰賢良識其實也命禪  
者主之建大法幢集大法衆吹大法螺演大法義長爲  
吾王冥福詎不善歟寺功旣竣紀王勲德並勒貞珉與  
佛日同昭法燈永輝云

臣等謹按崇文門北去里許爲單牌樓曰就日又

北爲四牌樓東曰履仁西曰行義南北曰大市街



單牌樓西東長安門街北自王府大街至崇文門街朱藝尊原書皆隸中城今以現在地界考之屬東城故原書中城卷內澄清坊以下各條移敘於後又按教忠坊原書屬之北城今四牌樓以西至東直門大街交道口以南皆屬東城故原書北城卷內教忠坊以下各條亦移敘於後合為一卷其崇文門大街以東仍依原書由明時坊起於下卷內以次編敘

**原**澄清坊九舖有成壽寺元極觀

五城坊巷  
衚衕集

欽定四庫全書

卷十五

五

**原**成壽寺在澄清坊內有勅建碑

明順天府志  
以上二條原在中城今移

改

臣等謹按澄清坊成壽寺在今椿樹衚衕明成化

元年内監夏時所建也時有弟詔封翊教禪師勅

住此寺萬歷癸丑重修詹事葉雲舉為之記元極

觀在乾魚衚衕今存

**原**燈市在東華門王府街東崇文街西亘二里許南北

兩廛凡珠玉寶器以逮日用微物無不悉具衚中列市

棊置數行相對俱高樓樓設攪毬簾幕為宴飲地一樓



每日賃直至有數百緡者夜則燃燈於上望如星衢市  
自正月初八日起至十八日始罷鬻燈在市西南有冰  
燈細剪百練澆水成之按宋時燈市乃從九月菊燈始

今止正月內數日耳

燕都游覽志 原  
在中城今移改

**增**上元十夜燈始於太祖今北都燈市起初八至十三  
而盛迄十七乃罷也燈市者朝逮夕市而夕逮朝燈也  
市在東華門東亘二里市之日省直之商旅夷蠻閩貊  
之珍異三代八朝之骨董五等四民之服用物皆集衢  
三行市四列市樓南北相向朱扉繡棟素壁綠綺疏其  
設氈毼簾幕者勳家戚家宦家豪右家眷屬也向夕而  
燈張燈則燒珠料絲則夾畫堆墨等紗則五色明角及  
紙及麥糶通草則百花鳥獸蟲魚及走馬等樂作樂則  
鼓吹雜耍絃索鼓吹則橋律陽撼東山海青十番雜耍  
則隊舞細舞筒子筋斗蹬毬燈梯絃索則套數小曲數

欽定四庫全書

卷十五

六

落打碟子其器則和必斯都哩默色察爾奇等烟火施  
放則以架以盒架高且丈盒層至五其所藏械壽帶葡  
萄架珍珠簾長明塔等於斯時也絲竹肉聲不辨拍煞  
光影五色照人無妍媸烟霄塵籠月不得明露不得下  
永樂七年令元宵節賜百官假十日今市十日賜百官  
假五日內臣自秉筆篆近侍朝臣自閣部正外臣自計  
吏不得過市猶古罰帘幕蓋帷意其他例得與吏士軍  
民等過市市樓價高歲則豐民樂樓一楹有一夕賃至  
數百緡者 帝京景物畧 按和必斯蒙古語樂器名  
也舊作胡撥四都哩蒙古語式樣也默色器械也舊作  
土兒密失察爾奇滿洲語扎板也舊作义兒機今俱譯  
改

**原**石崑玉燈市詩

燈市百貨聚類聚還分局雜沓掩  
塵埃穹窿象山谷波斯細舉名最下亦珠玉滿城恣意  
觀履舄時交觸側肩趁友朋轉盼遺童僕樓上樓下人  
徙倚自相矚重器與嬌容迴還日不足倘非挾厚藏焉  
用空馳逐惟我獨閒行輝煌聊飽目佻佻白面郎囊裏  
金如粟訪古探瑰奇十僅償其六本擬快於心旁觀容



右蹙爲君詰，亦從原出。巨家積向購，此場中而今在此。鬻佇看，小道問何事，無翻覆物。類火傳薪人，袁風轉燭。挾諸海陸珍，權與豪華蓄。姑數杖頭錢，來酣春酒熟。燕都游覽志。

**原** 范景文詩 御溝春暖漲冰絲，風煖沙吹日影移。珠綴九微光燦爛，張燈不待月高時。王孫約隊簇金貂。

玉勒青驄綺陌驕，文貝珊瑚看不盡。東華門外市三條，朱樓一帶鬱嵯峨。陣陣香風視綺羅，龍燭薰風喧不。

夜天街到處月明多，月明處處度笙簫。春色分明念四橋，有酒勸君須盡醉。百年能得幾元宵，水餐堂稿。

**原** 徐穎燈市詞 東掖門東燈市開，千官萬姓擁塵灰。悔不多錢買身貴，鞍籠喝道下驢來。燕都游覽志。

**原** 劉侗竹枝詞 田家歌舞魏家漿，海澱園林恭順香。桃李莫分先後種，恩波一片是春光。帝京景物畧。

**原** 汪歷賢詩 長安燈市晝兼宵，游女爭呈馬上腰。踏遍燈光不歸去，更留同伴走三橋。錦鞦朱勒未曾收，猶俟燈殘續冶游。好向高梁看柳色，清明上已在前頭。燕都游覽志。

欽定日下舊聞考

卷四十五

**原** 賀世壽燈市詩 冰條未破玉河流，春氣先蒸市上樓。錦簇花團喧笑語，幾家都尉幾通侯。九微燈影六

街連景色仍如萬，歷年只有官人歸去早。酒壚不待月中天。同上。

**原** 王應遴燈市詩 千官休沐逐良期，不見牙牌挂阿誰。聞說昔年三學士，召來殿上撰燈詞。星毬蓮炬半

空懸，火散梨花罩酒筵。莫道米珠薪桂地，誰人肯惜買燈錢。哥窰倭漆載盈車，估客蕃兒莫自誇。寶玩聖明

原不好，故令結市在東華。同上。

**原** 王驤燈市曲 迎春纜罷更喧騰，盡說繁華較舊增。國事正當宵旰日，君王大內不看燈。逐隊人過燈市

來，喧喧街鼓動成雷。若關豐儉應如此，一歲何妨月一回。出炕新花不耐寒，裝來盆盎也難觀。眾中最苦惟梅樹，壽字香烟屈曲蟠。同上。以上八條原在中城

今移改。

**增** 王廷陳燕京元夕曲 大道朱樓錦繡圍，歌鐘萬戶繞春輝。樓前火樹嶙峋照，化作紅雲片片飛。香車一渡星橋翠袖雙，雙引玉簫但訝遊人手。磨易不知夫



婿漢嫖姚 萬柳千花巧自粧春風吹散綺羅香誰教月色模糊甚惱殺幽并遊冶郎 帝京景物異

臣等謹按燈市久廢今東安門外稍北猶存燈市

口之名

**原**法華寺在明照坊俱有勅建碑

明順天府志 原在中城今移改

臣等謹按法華寺在今豹房衚衕明景泰中太監

劉通捨宅為寺天啓中重修詔賜藏經璽書有大

學士黃立極碑記

**原**仁壽坊八舖有府軍後衛金吾右衛隆福寺仰山寺

五城坊巷衚衕集原在中城今移改

欽定日下舊聞考

卷十五

八

臣等謹按五城坊巷衚衕集金吾右衛在南薰坊

朱彝尊原書作仁壽坊誤府軍後衛坊巷集不詳

其地仰山寺云有前後街今俱無可考隆福寺在

大市街西馬市北其街猶以寺得名明景泰年間

建有碑在寺中

**原**景泰三年六月命建大隆福寺役夫萬人以太監尙

義陳祥陳謹工部左侍郎趙榮董之閏九月添造僧房

四年三月工成

明景帝實錄

**原**景泰五年四月新建隆福寺成車駕擇日臨幸有司已夙駕除道太學生濟寧楊浩上疏陛下即位之初首



幸太學海內之士聞風快覩今又棄儒術而崇佛豈可  
垂範後世耶儀制郎中章綸亦言以萬乘之君臨非聖  
之地史官書之傳之萬世實累聖德上覽疏即日罷行  
時又有太學生西安姚顯疏言王振鋤生民膏血修大  
隆興寺車駕不時臨幸請自今凡內臣修葺寺院悉行  
拆毀以備倉廩之用時不能用自正統至天順京城內  
外建寺二百餘區大臣諫官不言而二生言之一時名  
震中外

明典彙

**原**大隆福寺為景帝所建至撤英宗南內木石助之未  
幾又從山西巡撫都御史朱鑑言謂風水當有所避忌  
乃命閉正門不開禁鐘鼓聲又拆寺門牌坊所謂第一  
叢林者而無救於禍難成化間又以妖僧繼曉建護國  
大永昌寺致勞憲宗親幸不逾時曉誅寺毀二寺皆逼  
近禁籞隆福今尚存而永昌無寸椽片瓦矣野獲編  
**原**京師鉅刹大興隆大隆福二寺為朝廷香火院餘皆  
中官所建菽園雜記以上四條原在中城今移改

**增**大隆福寺三世佛三大士處殿二層三層左殿藏經

欽定日下舊聞考

卷四十五

九

右殿轉輪中經毘盧殿至第五層乃大法堂白石臺欄  
周圍殿堂上下階陛旋繞雕欄踐不藉地曙不因天蓋

取用南內翔鳳等殿石欄杆也

帝京景物畧

**增**隆福寺在東城大市街之西北明景泰四年建

本朝雍正元年重修每月之九十日有廟市百貨駢闐  
為諸市之冠有

世宗御製碑文又

御書真如殿匾曰慈天廣覆乾隆十一年

皇上御書匾二曰法鏡心宗常樂我淨

大清一統志



臣等謹按真如殿聯曰覺海澄圓無所住義天高

廣本來空

皇上御書

增

世宗皇帝御製隆福寺碑文 京城之內東北隅有寺曰隆福肇建於明景泰三年逾歲而畢工營構之費悉出於官蓋以爲祝釐之所自景泰四年距今二百七十餘年風雨侵蝕日月滋久朕昔曾經斯寺有感於懷茲乃弘施資財庀材召匠再造山門重起寶坊前後五殿

欽定日下舊聞考

卷四十五

十

東西兩廡咸葺舊爲新飾以采繪寺宇增輝煥之觀佛像復莊嚴之相旣告厥成因勒貞石以紀其事夫佛之爲道寂而能仁勸導善行降集吉祥故歷代崇而奉之然朕非以自求福利洪範曰欽時五福用敷錫厥庶民言王者之福以被及羣生爲大也然惟我

皇考聖祖仁皇帝功德隆厚歷數綿長四海兆人胥登仁壽之域自古帝王備福之盛無有比倫朕纘嗣鴻基思繼

先志使遐邇烝民嚮教義俱植善果各種福田藉大



慈之佑感召休徵錫以繁祉井里安阜耄期康寧享太平之福永永無極則朕所以受

上天之景福承

夫皇考之慶澤者莫大乎是此朕為蒼生勤祈之至願也

**原**教忠坊十舖元殺宋文丞相於此地故名五城坊巷 衢衢集

**原**至元十六年帥臣張宏範執文天祥至大都囚之上衢衢集屢欲赦出相之不從十九年十二月初九日戮於燕南

城柴市中堂事紀 以上二條原在北城今移改

欽定四庫全書

卷十五

十一

**臣**等謹按據春明夢餘錄柴市即今府學舊基在都城東北隅元時城偏於北故中堂紀事稱為南城也

**原**天祥北行十月至燕館供帳如上賓天祥義不寢處坐達旦四日張宏範至具言不屈狀五日送兵馬司械繫空宅中十餘日解手縛又十餘日得疾十二月去械猶繫頸自是囚兵馬司者四年其為詩有指南前錄三

卷後錄五卷集杜二百首皆有自序劉岳申文 信國公傳

**原**公至柴市觀者萬人公問市人曰孰南面或有指之者公即向南再拜索紙筆書二詩云昔年單舸走維揚



萬死逃生輔宋皇天地不容與社稷邦家無主失忠良  
神歸嵩嶽風雷變氣吐烟雲草樹荒南望九原何處是  
塵沙黯澹路茫茫衣冠七載泚旃裘憔悴形容似楚囚  
龍馭兩宮崖嶺月貌貅萬竈海門秋天荒地老英雄喪  
國破家亡事業休惟有一靈忠烈氣碧空長共暮雲愁  
是日大風揚沙天地晝晦公既死世祖臨朝歎曰文丞  
相好男子不肯為吾用殺之誠可惜也是後連日陰晦  
宮中白晝或秉燭行適張真人來朝世祖問之對曰此  
殆殺文丞相所致也乃贈公特進金紫光祿大夫開府  
儀同三司檢校太保中書平章政事廬陵郡公諡忠武  
令簽樞密院事王積翁書神主灑掃柴市設壇祀之丞  
相博囉初行奠禮狂飈旋地起卷主人雲中博囉等改  
書前宋少保右丞相信國公天始開霽 趙弼文信公  
傳

**補**歲在壬午乃至元十九年也于是祥興亡且三年矣  
宋瑞囚中作贊并序曰吾身居將相不能救社稷安天  
下軍敗國亡辱為俘囚其當死久矣被執以來欲引決  
而無問今天與之機謹南向再拜以死其贊曰孔曰成

欽定四庫全書

卷十五

三

仁孟曰取義惟其義盡是以仁至讀聖賢書所學何事  
而今而後庶幾無愧宋丞相文天祥絕筆 龔開文信

公傳

**原**江南十義士昇公藁葬都城小南門外五里道傍大  
德二年繼子陞至都順城門內見石橋織綾人婦公舊  
婢綠荷也為陞語劉牢子乃引到葬處大小二僧塔其  
大塔小石碑刻信公二字遂以歸葬廬陵 帝京景物  
畧

**補**張十載字毅父廬陵文文山友也文山顯貴屢以官  
辟皆不就文山自廣還至吉州城下十載來見曰丞相  
赴北某亦往遂以故宋官營求江西省咨之北寓于文  
山囚所側近日以食奉之凡留燕三年潛造一積文  
受刑後卽藏其首仍訪文山妻歐陽夫人于俘獲中俾  
出火其屍十載拾骨置囊并積南歸付其家葬之 吟  
集

**原文**丞相祠國初北平按察司副使劉崧立

名勝志



**原**永樂六年大常博士劉履節奉命正祀典謂天祥忠於宋室而燕京燕其死節之所請祠祀從之祠堂三楹前為門又前為大門祠之西為懷忠會館江右士大夫歲時集會於此以祭公者也宣德四年保定李庸為府尹重拓其祠信國所著有日錄吟嘯集指南錄集杜詩並刊板祠中 春明夢餘錄 以上七條原在北城今移

**增**文信國正氣歌 天地有正氣雜然賦流形下則為河嶽上則為日星於人曰浩然沛乎塞蒼冥皇路當清夷舍和吐明庭時窮節乃見一一垂丹青在齊太史簡在晉董狐筆在秦張良椎在漢蘇武節為嚴將軍頭為嵇侍中血為張睢陽齒為顏常山舌或為遼東帽清操厲冰雪或為出師表鬼神泣壯烈或為渡江楫慷慨吞胡羯或為擊賊笏逆豎頭破裂是氣所磅礴凜烈萬古存當其貫日月生死安足論地維賴以立天柱賴以尊三綱實係命道義為之根嗟予遘陽九隸也實不力楚囚纓其冠溥車送窮北鼎鑊甘如飴求之不可得陰房圓鬼火春院闕天黑牛驥同一皂雞棲鳳凰食一朝蒙

欽定四庫全書

三

霧露分作溝中瘠如此再寒暑百沴自辟易嗟哉沮洳場為我安樂國豈有他繆巧陰陽不能賊顧此耿耿在仰視浮雲白悠悠我心悲蒼天曷有極哲人日已遠典型在夙昔風簷展書讀古道照顏色 吟嘯集

臣等謹按文丞相祠在府學衙內府學之東其西為名宦祠懷忠會館今無考

**原**宣德二年二月遣順天府官祭宋丞相文天祥歲為例 明典 彙

**原**歲仲春仲秋有司陳設爵三果五帛一羊一豕一祝

文曰皇帝遣順天府尹某致祭於宋丞相信國文公曰

卿昔宋臣以身殉國忠義大節炳若日星時維仲春 秋 庸



伸常祀卿其有知尙克享之

明嘉靖祀典

歷代忠臣廟皆府尹致祭凡祭必用祭服獨此用常服

湧幢小品

楊士奇文丞相祠記 北京之有公祠洪武九年前北平按察司副使劉崧始建於教忠坊今順天府之右而作塑像焉永樂六年太常博士劉履節奉土命正祀典始有春秋之祭於有司歲以順天府行事宣德四年府尹李庸遵旨葺而新之 東里集

正統十三年十二月順天府尹王賢奏宋丞相文天

祥故元時塑以儒士像今宜考究宋時丞相冠服改塑

從之 明英宗實錄

韓雍請諡文信公疏 竊見宋丞相少保信國公文天祥弱冠立朝臨危許國志專恢復屢折挫而不移心

欽定四庫全書

卷十五

古

切匡時蹈艱危而不變既而國亡被執繫獄累年誘之以大用而不從脇之以刀鋸而不屈卒之南向再拜殺身成仁收三百年養士之功立千萬載為臣之極有指南錄以著其忠愛有集杜詩以寄其憂傷其精忠大節與日月爭光與天地悠久誠足以正人心而扶世道也顧於沒後贈諡未加實為缺典乞勅禮部翰林院儒臣考議加以贈諡錄其子孫并將順天府學之西天祥祠堂遺像改塑丞相冠服仍令有司春秋祭祀其於綱常誠非小補 韓襄毅集

信公至景泰中賜諡忠烈人多不知 羅文恭公集

甘瑾讀文丞相傳作 萬里冰天泣楚冠南雲歸計路漫漫尙圖一旅興王易不念孤兒立國難樓櫓海門

西日暗劍歌江介朔風寒九京痛憶遺編在千載奸諛掩面看 明詩統

章懋謁文丞相祠詩 元宋興亡迹已陳忠臣祠宇

尙如新夕陽古樹烟猶暝夜雨荒階草自春慷慨六歌空灑泪問關百戰竟捐身穆陵地下應含笑不負臚傳

第一人 楓山集



**原**黃仲昭謁文丞相祠詩 故宮芳草泣銅人滄海樓  
船是紫宸赤手欲擎西墜日丹心誓掃北來塵山河萬  
里雙垂淚廟宇千年獨愴神翹首燕山知幾初至今高  
節其麟胸 永軒集

**原**顧清謁文山祠詩 碧殿長松鎖十尋曉雲將雪助  
蕭森貂蟬不改厓山制金石疑聞孔壁音南去星潮嗟  
往事北來祠廟豈公心春風一掬唐衢淚幾為先生濕  
短襟 東江集

**原**歐大任謁立信國祠 憶昔南冠日厓山恨未忘魂  
沈柴市月淚高薊門霜白雁啣江草黃龍逐海航中原  
冠劍在歌舞待巫陽 歐虞部集

**原**葉向高謁文丞相祠辭 余夙觀夫載籍兮心倏侘  
而鬱紆信國之逢殃兮中情要眇其焉如日余留覽  
乎皇之都兮瞻元宮之吸噍循周垣而延佇兮涕淫淫  
其交睫惟宋室方舍夫夷庚兮猘猶下而嚙齊民夜昏  
昏其未央兮且又重之以晦冥蘭艾雜糅而不分兮驚  
騎並道以爭馳彼靈瑣之莫懲兮厥宗忽然而賈之荃  
服敦瘁以祇辟兮紛獨有此矯節介忠胄信兮欲鞭焚

欽定四庫全書 卷十五 五

輪而掃狂孽何時命之蹇塞兮羌抑志而逢殃雖顛頓  
吾猶未悔兮諒余情其信芳技已殫而力已極兮憺吳  
天之莫顧終俯首而受維兮悲窮步於中路衷慄慄以  
遭閔兮情見愠乎魑魅下天眇而不見天兮上又當乎  
颺之衝飈荃畢命而抵節兮更申申其誓之日夏商  
乎故社豈荃心之忍聞兮掩吾耳而欲走也甘蹈刃以  
如節兮亦明哲之所厚也嗟大厦之既頽兮狂瀾傾而  
誰柱諒昭質其未虧兮安能忍與此終百羣摩牙吮血  
以相向兮羌不可以久留乃遂焉而逢殃兮溘駕言乎  
焉遊馴玉虬而乘翳兮張孔蓋而拂翠旌奄靈衣之披  
披兮日余從夷齊於首陽之陘神逸邈其高馳兮氣耿  
耿而成虹叫帝閭猶未闕兮極勞心之憊憊帝感荃之  
精誠兮命神龍奮而驅之廓日月而重朗兮固荃心之  
所求附微軀而危死兮孰與夫忍辱而攘尤荃既畢此  
願兮辭閭風而來下蓀房邃以岩巖兮奉芳洲之杜若  
余薦沈澹以醞醞兮羞瓊麝以瓶瓶受哀絃於太皞兮  
迨延和之以清商靈肅肅而若觀兮冀為燭燭乎余誠



跪於邑以陳辭兮勃颺颺而風生陳辭兮未終靈倏舉  
兮雲中眇余思兮無極悵四海兮安窮悲乎哉狂瀾潰  
兮夫誰能以不波綱常墜兮微哲人其奈何 蒼霞草  
**增**楊士奇重修文丞相祠記 孟子曰我知言我善養  
吾浩然之氣知言者盡心知性而有以究極天下之理  
浩然之氣即天地之正氣具於吾身至大而不可屈撓  
者知之至養之充而後足以任天下之大事天下之事  
莫大于君父文丞相甫冠奉廷對即極口論國家大計  
未幾元兵渡江又上書乞斬嬖近之主遷幸議者以一  
人心安社稷固已氣蓋天下矣自是而斷斷焉殫力竭  
謀扶顛持危以興復為己任雖險阻艱難百挫千折有  
進而無退不幸國亡身執而大義愈明蓋公志正而才  
廣識遠而器閎浩然之氣以為之主而卒之其志弗遂  
者蓋以天命去宋也雖天命去宋而天理在公必不可  
已故宋亡其臣之殺身成仁者不少論者必以公為稱  
首公事具宋史而公鄉人劉岳申撫公所著日錄吟嘯  
集指南錄集杜二百首及宋禮部郎官鄧光薦所述督  
府忠義傳以作公傳視史加詳實焉北京之有公祠洪

欽定日下舊聞考

卷五

志

武九年前北平按察副使劉崧始建於教忠坊今順天  
府學之右而作塑像焉永樂六年太常博士劉履節奉  
命正祀典始有春秋之祭于有司歲以順天府尹行事  
宣德四年府尹李庸始至謁公祠下顧瞻祠宇敝陋弗  
稱遵用詔旨葺而新之凡祀神之器靡不備具又求岳  
申傳刻石將使人人皆知世之為臣者光明震動焜焜  
烈烈有公也於戲忠孝人道之大節治化所先而崇禮  
先賢表勵後人尤守令之急務庸其達為政之本與庸  
字執中保定唐縣人寬厚明敏自太學生授工科給事  
中上親擢為順天府尹愛人之心剴繁之才上下皆稱  
之而盡心學校敬賢尚德如飾昌平之狄梁公劉諫議  
祠而嚴其祀事之類皆其知本之務皆可書也因並書  
之以示來者 春明夢餘錄  
**原**鄧剡贊 日煌煌兮踈星曉寒氣英英兮晴雷殷山  
頭碎柱兮壁完血化碧兮心丹嗚呼孰謂斯人不在世  
間 中齋稿  
**補**王炎午望祭文丞相文 嗚呼扶顛持危文山諸葛  
作相雖同而公死節倡義舉勇文山張巡殺身不異而



公乘釣名相烈士合為一傳三十年間人不兩見事繆  
身執義當勇決祭公速公童子易簣何知天意佐忠憐  
才留公一死易水金臺乘風捐軀壯士其或久而不易  
霜雪松柏嗟哉文山山高水深難回者天不負者心常  
山之髮侍中之血日月華光山河改色生為名臣死為  
列星不然勁氣為風為霆干將莫邪或寄良冶出世則  
神入土不化今夕何夕斗轉河斜中有光芒非公也耶  
梅邊集

**補**姚廣孝謁文丞相祠詩 凜凜宋忠臣赫赫元世祖  
禮遇各有道聲光照千古舊祠燕城東松柏森牖戶英  
靈貫日月勁氣鼓雷雨有司奉朝命維時薦芳醕客來  
拜庭除欲退復延佇 逃虛子集 以上三條原在北  
城今移改

**增**羅倫宋丞相文信國公祠堂記 公名天祥甫弱冠  
奉廷對陳君道之大本經世之急務文思神發萬言立  
就可謂天下之大材也董宋臣主議遷幸公上章乞斬  
之賈似道誤國要君公嘗以義裁之呂師孟偃蹇傲命  
公又上章乞斬之勤王詔下重臣宿將縮頸駭汗公提

欽定曰下舊聞考

卷四十五

七

孤兵獨往當之敵次阜亭三軍震動宰相遁荒公挺身  
獨往說之可謂天下之大勇也夫慷慨就義決死生於  
一旦中人猶或能也若歷履萬死其執彌堅其志彌勵  
非仁者其能然乎方公之使北詆罵激烈當死脫京口  
走真州如揚州趨高郵抵通州苗再成逐之李庭芝疑  
之無日而不當死然後遵海道涉鯨波始立二王開督  
南劍敗績於空坑當死仰藥於潮陽當死絕粒於南安  
當死至就囚燕獄從容南向再拜而死震動天地照耀  
萬世可謂天下之大忠也宋之亡死國事者多矣陸秀  
夫張世傑死於海李芾死於潭趙昂發死於池江萬里  
死於饒姚峇死於常趙時賞死於洪先君武岡公死於  
吉督府行朝死者不可勝數雖然死矣未有如公之出  
萬死而後死微子之去箕子之囚龍逢比干之諫伯夷  
叔齊之餓諸葛武侯之鞠躬盡瘁備於公之一身矣自  
古亡國之臣未有如公之烈也收宋三百年養士之功  
立千萬載為臣之極不在於公平公非仁者之勇浩然  
塞於天地之間者乎公去今二百年順天府祠公於學  
宮鄉郡祠公於城南公之子孫祠公於富田富田之祠



元季兵燹為橫民所奪龍鳳間僉事李公飲永復之正統間知府陳公本深繼之景泰間都憲韓公雍奏加諡號錄用子孫今成化二年僉憲李公齡來掌學事以公九世孫繼宗入學俾公鄉人周丕憲割田贍之是皆有功於名教可書故書之以詔後世之為人臣者 一峯集

**增**虞集哭文丞相詩 徒把金戈挽落暉南冠無奈北風吹子房本為韓仇出諸葛寧知漢祚移雲暗鼎湖龍去遠月明華表鶴歸遲不須更上新亭望大不如前灑淚時 道園學古錄

**增**曾棨謁文丞相祠 國事艱危屬秉鈞平生慷慨竟捐身百年社稷歸元主萬古祠堂表宋臣已見高名垂宇宙還瞻遺像肅簪紳猶疑碧血生芳草留得清芬歲歲春 巢睫集

**增**王鏊謁文丞相祠 義氣橫天白日陰巍然遺像學宮深千金欲得留侯士三擊難回豫讓心自昔奸諛誰不死如今元社亦銷沉黃昏柴市風沙慘回首行人淚不禁 震澤集

欽定四庫全書

卷四十五

六

**增**邊貢謁文山詞 丞相英靈迥未消絳帷燈火感寒飈乾坤浩蕩身難繫道路間關夢且遙花外子規燕市月水邊精衛浙江潮祠堂亦有西湖樹不遣南枝向北朝 華泉集

**原**明崇禎十七年三月戊申左都御史李邦華縊於文丞相祠 甲乙彙畧

**原**三月十八日賊破外城李公移宿吉安館文信公祠下烹賜豕祀信公詰朝內城陷奔赴大內闕門閉歸館沐浴整衣冠北面再拜三揖信公曰邦華鄉邦後學合死國難請從先生於九京矣取白縑書贊繫腰間曰堂堂丈夫聖賢為徒忠孝大節誓死靡渝臨危授命庶無愧吾君恩莫報鑒此癡愚縑尾書人生自古誰無死留取丹心照汗青之句囑家人護總憲印繳還朝廷勿汗賊手移席正直持束帛繫信公坐楣投繯而絕三月十九日辰時也 李邦華傳 以上二條原在北城今移改

**增**永樂六年太常博士劉履節奉命正祀典始春秋祭於有司祠二碑一楊士奇一羅倫按公授命至元壬午



十二月初九日風沙書晦宮中皆秉燭前行百言入亦秉燭前導世祖以問天師張悔之贈公特進金紫光祿大夫太保中書平章政事廬陵郡公諡忠武命王積翁書神主洒掃柴市設壇祀之丞相博羅行初奠禮忽旋風起捲神主雲中隱隱雷鳴如怒聲書愈晦乃改前宋少保右丞相信國公天乃霽 帝京景物畧

增考文天祥所著日錄諸書相傳並刊板祠中今皆無有惟唐李邕所書雲麾將軍李秀斷碑二礎尚礎於壁破屋三間塑像兀坐冠進賢冠朱衣色黯神座之右石刻半像執笏冠如明世國公笏刻孔日成仁孟日取義數語 帝京古迹考

臣等謹按石像雲麾將軍斷碑二礎及吳涵記今

存東壁又有嘉靖中南京戶部主事李世德詩石

庭中有石刻本傳楊士奇碑今無考又按劉侗帝

欽定日下舊聞考

卷十五

十九

京景物畧載祠內尚有羅倫碑今考羅倫文末段

乃記文丞相鄉祠本末似不應勒石於此劉侗所

記未足為據也

原良鄉縣有雲麾將軍碑為學博痊為柱礎聞人董生見之言於宛平縣李龔美蔭蔭委曲寓書於令輦致嵌其署壁間匾曰古墨齋黎惟敬王敬美皆有記耳談原此碑後移少京兆署中止二礎其四礎相傳萬歷末為王京兆惟儉攜之大梁 春明夢餘錄

原李言恭雲麾將軍斷碑歌 蒼頡史籀不可起蝌蚪

鳥迹今已矣書苑千載尊鍾王乃有北海接其軌得意最是雲麾碑當年落筆風雨隨何意斷之作柱礎神物終為造化私年多委置荆藜裏瓦礫冰霜竟誰視數字模糊蒼蘚封雙鶴斷缺樵童毀吾黨好古有李侯忽焉搜致如琳瑯一朝載入長安市拂拭光芒動斗牛莫嗟此物久淹棄愚顯鬼神誠有意李侯邀我把酒看白日



高堂氣自寒人生踪跡亦類此屈不知已仲知已 貝葉齋稿 以上三條原在中城今移改

**增**唐雲麾將軍李秀碑靈昌郡太守李邕文并書逸人太原郭卓然摹勒并題額李秀字元秀范陽人唐元宗朝以功拜雲麾將軍左豹韜衛翊府中郎將封遼西郡開國公卒於開元四年葬范陽福祿鄉碑刻於天寶元年李北海有兩雲麾碑一為李思訓在陝西一為此碑其官同其姓同也然此碑筆法道逸大勝陝碑秦人有著石墨鐫華者乃以為一碑且以此碑為趙松雪所臨誤矣此碑舊貯良鄉縣庫中不知何時入都城宛平令李蔭掘地得六礎洗視乃雲麾碑建古墨齋以覆之後移少京兆署中止二礎其四礎傳謂萬歷中王京兆惟儉攜去汴中

天府廣記

**臣**等謹按明趙岫石墨鐫華唐雲麾將軍碑跋云北海書得意者碑在蒲城朱秉器又謂良鄉亦有

欽定四庫全書

卷四十五

三

此碑蒲城者為趙文敏臨書今蒲城碑尚在為李思訓墓處北海真蹟非文敏所能良鄉本肥媚文敏書無疑據此則孫承澤之駁擿趙岫乃因朱秉器之言而誤且所云肥媚者亦約畧傳聞之詞其實未見良鄉碑故不知其為李秀而誤與思訓為一人也至秀碑之遷徙始末吳涵記之甚詳碑始斷而斲之為礎者良鄉學生某以其石告者閩人董生輦致之而作古墨齋以貯之者宛平知縣李蔭其後攜六礎之四至汴而留其二者為順天府



尹王惟儉自府署又遷之置文丞相祠壁者爲順  
天府丞吳涵孫氏書悉未及之也至四礎之入汴  
不知所在

**原**普德寺俗呼大佛寺建置歲月無碑記可考

析津  
日記

**臣**等謹按大佛寺在柴市西口稍南寺門前有碑  
四俱漶漫不可讀

欽定日下舊聞考

卷十五

三

董光驥校

欽定日下舊聞考卷四十五